

373
2-99

ՀՐԱՀԱՆԳ

ՀԱՅՈՑ ՀՈԳԵԻՈՐ ԱԶԳԱՅԻՆ ԹԵՄԱԿԱՆ

ԴՊՐԱՆՈՑՆԵՐԻ

Վ. Ս. ՂԱՐՇԱՊԱՏ

Տպարան Մայր Աթոռոյ ա. Էջմիածնի

1914

373
3-99
4

1 - MAR 2010



370
2164-20

ՀՐԱՀԱՆԳ

ՀԱՅՈՑ ՀՈԳԵԻՈՐ ԱԶԳԱՅԻՆ ԹԵՄԱԿԱՆ

ԴՊՐԱՆՈՑՆԵՐԻ

1004
15470



ՎԱՀԱՐՇԱՊԱՏ

Տպարան Մայր Աթոռոյ ա. Էջմիածնի
1914 թ.

17 JUN 2013

57.630

Հաստատեմք զայս հրահանգ Հոգեւոր Թեմական
Դպրանոցաց Հայոց եւ քամբ ի ժամանակաւոր գոր-
ծադրութիւն.

Ք Է Ո Ր Ք Ե.

ԿԱԹՈՒՂԻԿՈՍ ԱՄԵՆԱՅՆ ՀԱՅՈՅ

11 հոկտեմբերի 1914 թ.

Ս. Էջմիածին

ՀՐԱՀԱՆԳ

ՀԱՅՈՅ ՀՈԳԵԻՈՐ ԱԶԳԱՅԻՆ ԹԵՄԱԿԱՆ
ԴՊՐԱՆՈՅՆԵՐԻ.

Ա. ԳԼՈՒԽ

ԸՆԴՀԱՆՈՒՐ ԿԱՆՈՆՆԵՐ.

1. Հայոց Հոգեւոր Ազգային Թեմական Դպրանոց-
ների նպատակն է հանրակրթական պատրաստութեամբ
ուսուցիչներ և հոգեւորականներ տալ:
2. Թեմական Դպրանոցը գտնուում է Ամենայն
Հայոց Կաթողիկոսի գլխաւոր իշխանութեան ներքոյ:
3. Թեմակալ Առաջնորդը լինելով դպրանոցի մեր-
ձաւոր իշխանաւորը՝ հսկում է դպրանոցի կանոնների
ճիշտ կատարման վրայ:

4. Թեմակալ Առաջնորդը Դպրանոցում անկասնունութիւն նկատած դէպքում հրաւիրում է հոգաբարձութեան ուշադրութիւնը:

5. Իւրաքանչիւր Թեմական Դպրանոց ունի Թեմակալ Առաջնորդի նախագահութեամբ և վերատեսչի անդամակցութեամբ 12 հոգուց բաղկացած Հոգաբարձութիւն, որը ընտրւում է համաձայն Կովկասի Տ. Փոխարքայի տուած ժամանակաւոր կանոնների (1905 թ.) և տնօրինում է Դպրանոցի տնտեսական մասը, հրաւիրում և արձակում է դպրանոցի բոլոր պաշտօնեաներին և ունի ընդհանուր հսկողութիւն դպրոցական բոլոր գործերի վրայ՝ համաձայն այս հրահանգի:

Ծանօթ. Նոր-Նախիջևանի Թեմական Դպրանոցի Հոգաբարձութիւնն ընտրւում է համաձայն Բարձրագոյն հաստատուած կանոնադրութեան:

6. Թեմական Դպրանոցներն ունեն եօթնամեայ դասընթաց.

Ծանօթ. Ա. Թեմական Դպրանոցի առաջին դասարան մտնել կարող են եկ.-ծխական չորսամեայ դպրոցի լիակատար դասընթացի պատրաստութիւն ունեցողները:

Բ. Թեմական դպրանոցները կարող են պահել ծխական չորսամեայ դպրոցի բոլոր բաժանմունքները կամ այդ բաժանմունքներից մէկն ու մէկը, սակայն անպայման յաջորդաբար:

Դ. Վեհափառ Կաթողիկոսի կարգադրութեամբ Թեմական Դպրանոցի ուսումնական և տնտեսական

մասերն ենթարկւում են վերահսկողութեան (կոնտրոլի) գէթ տարին մի անգամ:

8. Դպրանոցներում առարկաներն աւանդւում են հայոց լեզուով, իսկ Ռուսաց լեզուն ու Ռուսաց գրականութիւնը, Ռուսաց պատմութիւնն ու Ռուսաստանի աշխարհագրութիւնն աւանդւում են ռուսաց լեզուով:

9. Թեմական դպրանոցների արդիւնքներն են.

1. Սեպհական կալուածներէից և դրամագլուխներից ստացուած եկամուտը.

2. Թեմի եկեղեցիների եկամուտներից որոշ տոկոս կամ գումար.

3. Վանական կալուածներից նպաստ Վեհափառ Կաթողիկոսի որոշմամբ.

4. Թեմական եկամուտներից՝ ըստ հաստատութեան Ս. Էջմիածնի Սինօդի՝

Ա. թեմի մոմավաճառութիւնից,

Բ. ծննդեան վկայականներից,

Գ. պսակադրամից,

Դ. սրբադրամից,

5. Թոշակադրամ, և

6. Կամաւոր նուէրներ:

10. Դպրանոցի լիակատար դասընթացն աւարտած անձերն իրաւունք ունին լինել հոգեւորական, եկեղեցական-ծխական դպրոցների ուսուցիչ, նմանապէս աւանդել հայոց լեզուի և կրօնի դասեր Պետական դպրոցներում:

11. Դպրանոցների լիակատար դասընթացն ա-

ւարտած անձերը վայելում են զինուորագրական արտօնութիւններ, համաձայն օրէնքի:

12. Իւրաքանչիւր դպրանոց ունի կնիք՝ արքունական արժուէնշանի ձևակերպութեամբ և այս մակագրով.
« Հայոց Հոգևոր Ազգային Թեմական Դպրանոց »:

13. Թեմական դպրանոցները կարող են ունենալ երթեկ և գիշերօթիկ աշակերտներ, որոնք լինում են ձրիավարժ կամ թոշակատու:

Ծանօթ. Ա. Իւրաքանչիւր աշակերտի վճարելիք թոշակի քանակը որոշում է հոգաբարձութիւնը:

Բ. Հայոց դպրոցների դասատուների զաւակներն ազատ են թոշակից:

Գ. Ձրիավարժներից չքաւորներին, դպրանոցի միջոցները ներած դէպքում, տրւում են նպաստներ:

14. Թեմական դպրանոցները կարող են պահել զուգընթաց դասարաններ: Իւրաքանչիւր դասարանում աշակերտների թիւը ցանկալի է սահմանափակել 40-ով:

15. Դպրանոցներում ուսումը տեւում է ուսումնական տարուայ ընթացքում ամեն օր, բացի կիւրակէ և տօն օրերից, որոնց ցուցակը հաստատում է Վեհափառ Կաթողիկոսը:

16. Արձակուրդները և նրանց տեղութիւններն են. Ծննդեան արձակուրդը՝ դեկտեմբերի 24-ից մինչև յունվարի 8-ը, Բարեկենդանի՝ չորեքշաբթի օրուանից մինչև մեծ պահի երկուշաբթի օրը, Զատիկական արձակուրդը՝ երկու շաբաթ և ամարային արձակուրդը՝ յունիսի 1-ից մինչև սեպտեմբերի 1-ը:

Ծանօթ. Ա. Մանկավարժական խորհրդի ղեղավորները տեւում են ամենաուշը մինչև յունիսի 5-ը:

Բ. Վերաքննութիւններն և ընդունելութեան քննութիւնները սկսւում են օգոստոսի 25-ից:

17. Աւարտական դասարանում բոլոր առարկաներից և միւս դասարաններում աւարտական առարկաներից լինում են վերջին տարուայ դասընթացից կիսամեայ ստուգումներ՝ դեկտեմբեր և մայիս ամիսների վերջերին:

Ծանօթ. Ա. Հայոց լեզուից, ռուսաց լեզուից և մաթեմատիկայից լինում են բոլոր դասարաններում ստուգումներ:

Բ. Վերատեսուչը կամ մանկավարժական ժողովը տարուայ ընթացքում կարող են նշանակել ստուգումներ նաև միւս առարկաներից:

18. Ստուգումները կատարում են վերատեսուչը կամ տեսուչը, դասատուն և մի կամ երկու ընթերակայ:

19. Կիսամեայ ստուգումների ժամանակ նշանակւում են միջին թուանշաններ, հանելով վերատեսչի կամ տեսչի, դասատուի և ընթերակաների նշանակւած թուանշաններից:

20. Աշակերտների յառաջադիմութիւնը ցոյց տալու համար գործադրւում են հետևեալ թուանշանները. 5.—յոյժ գովելի, 4.—գովելի, 3.—բաւարար, 2.—թոյլ, 1.—վատ:

21. Է-րդ դասարան աւարտող աշակերտները, համաձայն Մանկավարժական Ժողովի որոշման, ստանում են աւարտման վկայական որոշած ձևով:

22. Ընթացաւարտ աշակերտները վկայականները տրուում են Հոգաբարձութեան և Մանկավարժական ժողովի նախագահների և Մանկավարժական ժողովի քարտուղարի ստորագրութեամբ:

Բ. ԳԼՈՒԽ

ՀՈԳԱԲԱՐՁՈՒԹԻՒՆ ԵՒ ՀՈԳԱԲԱՐՁԱԿԱՆ ԽՈՐՀՈՒՐԳ.

23. Հոգաբարձական Խորհրդի նախագահն է Թեմակալ Առաջնորդը, իսկ Առաջնորդի բացակայութեան դէպքում նախագահում է Խորհրդի հերթապահ հոգաբարձուն:

Ծանօթ. Նոր Նախիջևանի թեմական դպրանոցի հոգաբարձական Խորհրդին նախագահում է Նոր-Նախիջևանի Փոխանորդը, Առաջնորդի Գրչնեում լինելու պատճառով:

24. Թեմակալ Առաջնորդի պաշտօնը թափուր եղած դէպքում հոգաբարձական Խորհրդի նիստերին նախագահում է թեմի կառավարիչը կամ կառավարչի չեղած դէպքում՝ Վեհափառ Կաթողիկոսի կոնդակով նշանակուած Կոնսիստորիայի նախանգամ վարդապետը:

25. Հոգաբարձուների ընտրութիւնը կատարւում է համաձայն Կովկասի Տ. Փոխարքայի տուած 1905 թուի ժամանակաւոր Կանոնների՝ Կովկասեան շրջանի համար (տես ժամ. Կանոն. յօդ. 5).

Ծանօթ. Ա. Փոխանդամների ընտրութիւնը լինում է նոյն եղանակով:

Բ. Ժամանակամիջոցը լրացրած հոգաբարձուները կարող են վերընտրուել:

26. Եթէ հոգաբարձուներից մէկնումէկը այս կամ այն պատճառով անկարող է այլևս շարունակել իւր պաշտօնը, նրան փոխարինում է փոխանգամը՝ ընտրուած ըստ քուէի առաւելութեան:

27. Հոգաբարձութիւնն ընտրում է վերատեսուչ, կանխաւ հարցնելով մանկավարժական Խորհրդի կարծիքը թեկնածուների մասին, և առաջարկում է ի հաստատութիւն Վեհափառ Կաթողիկոսի:

28. Հոգաբարձութիւնն ընտրում է տեսուչ, առաջարկութեամբ վերատեսչի, որը նախապէս հարցնում է մանկավարժան ժողովի կարծիքը իւր առաջարկէիք թեկնածուների մասին:

29. Վերատեսչի առաջարկութեամբ հոգաբարձութիւնն ընտրում և հաստատում է ուսուցիչներին, վերակացուներին, մատենդարանապետին, բժշկին և վերատեսչի քարտուղարին. կրօնուսույցներին հաստատում է Թեմակալ Առաջնորդը:

30. Տեսուչը, ուսուցիչները, վերակացուները, մատենդարանապետը, բժիշկը և վերատեսչի քարտուղարն արձակւում են վերատեսչի պատճառաւորումած առաջարկութեամբ և հոգաբարձութեան որոշմամբ՝ նախապէս լսելով արձակուողների բացատրութիւնը:

31. Վերատեսուչն արձակւում է հոգաբարձութեան պատճառաւորումած որոշմամբ և Վեհափառ Կաթողիկոսի հաստատութեամբ:

32. Հոգաբարձութիւնը Ա.) ընտրում է իւր միջից կամ զրաի վստահելի անձերից իւր պատասխանատուութեամբ գանձապահ:

Բ. Ընտրում և հաստատում է դպրանոցի գործաւարին և տնտեսական կառավարչին.

Գ. Քննում և որոշում է դպրանոցի պաշտօնեաներին տրուող ռոճկի, նպաստների խնդիրը և նրանց աշխատանքի վարձատրութիւնը.

Դ. Կառավարում է դպրանոցի գոյքը և կալուածները.

Ե. Ժողովում է դպրանոցի եկամուտները.

Զ. Հսկում է, որ եկամուտներն իւր ժամանակին ստացուեն և արձանագրուեն մուտքի ժապաւինեալ մատեաններում, իսկ ծախքերը կատարուեն ըստ նախահաշուի.

Է. Կազմում է դպրանոցի մուտքի և ելքի նախահաշիւը և ներկայացնում է Սինօդին ի հաստատութիւն համաձայն Տ. Փոխարքայի ժամանակաւոր կանոնների (Ժամ. Կանոն. յօդ. 6-րդ):

Ը. Քննում է այն միջոցները, որոնցով կարելի է բարւոքել դպրանոցի տնտեսական զրութիւնը.

Թ. Ընտրում է իւր միջից տնտեսական յանձնաժողով դպրանոցի տնտեսական խնդիրը կարգաւորելու համար՝ համաձայն հոգաբարձական խորհրդի պահանջների.

Ժ. Դպրանոցի կալուածները կապալով տալու դէպքում նշանակում է աճուրդ և հաստատում պայմանագրերն օրինական եղանակով.

ԺԱ. Որոշում է ձրիավար շաւկերտների քանակը.

ԺԲ. Մանկավարժական ժողովի ընտրութեամբ յառաջդէմ աշակերտներին ուղարկում է բարձրագոյն կրթութիւն ստանալու, որպէսզի ապագայում ուսուցչութիւն անեն.

ԺԳ. Քննում է վերատեսչի ներկայացրած կիսամեայ և միամեայ ղեկուցագրերն ու տեղեկագրերը.

ԺԴ. Ստորագրեալ պաշտօնեաներին տալիս է ժապաւինեալ մատեաններ կարեւորութեան դէպքում՝ գործադրելու համար.

ԺԵ. Տալիս է դպրանոցի պաշտօնեաներին արձակուրդ.

ԺԶ. Ստուգում է դպրանոցի գանձարանն ու ժապաւինեալ հաշուեմատեաններն ամեն ամսուայ և տարուայ վերջը և անակընկալ կերպով հարկ եղած դէպքում: Ներկայացնում է Ս. Էջմիածնի Սինօդին Դպրանոցի հաշիւները համաձայն Տ. Փոխարքայի ժամանակաւոր կանոնների (Ժամ. Կանոն. յօդ. 6.) և տպագրում է ի զիտութիւն հասարակութեան:

ԺԷ. Գնում է շահաւէտ անշարժ գոյքեր:

33. Հոգաբարձութիւնն անում է հետևեալ ծախքերը.

Ա. Դպրանոցական շէնքի, անշարժ կայքերի պահպանութեան, նոր շէնքերի և նորոգութեանց, ապահովագրութեան և այլ ծախքեր.

Բ. Զքաւոր աշակերտների օժանդակութիւն.

Գ. Բարձրագոյն կրթութեան ուղարկուած սաների թոշակներ.

Դ. Բոլոր պաշտօնատար անձերի և ծառայողների ռոճիկներ.

Ե. Մատենադարանի, ֆիզիքական կաբինետի, դիւանատան և դպրանոցի հետ կապուած այլ հաստատութիւնների պահպանութեան ծախքերը.

2. Վառելիք և լուսաւորութիւն.

է. Անակնկալ ծախքեր:

34. Հոգաբարձութիւնը տալիս է դպրանոցական պաշտօնեաների տարեկան ռոճիկն ամսէ ամիս: Եթէ մէկը պաշտօնի է մտել ամսի առաջին կիսին՝ նրան տրոււմ է ամբողջ ամսուայ ռոճիկը. իսկ երկրորդ կիսամսեակին պաշտօնի մտնողին տրոււմ է այդ ամսուայ ռոճիկի կէսը միայն:

35. Հոգաբարձուները դպրանոցում ռոճիկով պաշտօն չեն վարում:

36. Հոգաբարձութիւնն առնուազն երկու շաբաթը մի անգամ պէտք է նիստ ունենայ: Իւրաքանչիւր հոգաբարձական խորհրդի ժամանակ, բացի նախագահից, պէտք է ներկայ լինին եօթն անգամ, հաշուելով նաև վերատեսչին:

Մանօթ. Բացակայ անդամներն իրաւունք չունին պահանջելու, որ եղած կարգադրութիւնները փոփոխեն:

37. Դպրանոցի անունով եկած բոլոր թղթերը պէտք է ստանայ հերթապահ հոգաբարձուն. իսկ դուրս ելած թղթերին ստորագրում է նախագահը կամ հերթապահ հոգաբարձուն:

38. Իւրաքանչիւր դպրանոցում պէտք է լինի հերթապահ հոգաբարձու, որն իւրաքանչիւր օր որոշ ժամանակով դպրանոց պէտք է յաճախէ:

39. Իւրաքանչիւր դպրանոցի հոգաբարձութիւնն ինքը պէտք է որոշէ հերթապահ հոգաբարձուի պարտականութիւնները:

40. Հոգաբարձուները կարող են մասնակցել մանկավարժական ժողովներին առանց ձայնի իրաւունքի:

41. Հոգաբարձական խորհրդի բոլոր հարցերն ու վճիռները պէտք է արձանագրուեն և ստորագրուեն նախագահի և ներկայ անդամների կողմից:

42. Բոլոր հարցերն ու վճիռները լուծոււմ են քուէարկողների ձայների կիսից աւելիով, իսկ հաւասարութեան դէպքում գերակշռում է նախագահի ձայնը: Մանօթ. Անդամներից մէկն ու մէկի պահանջով հարցերը պէտք է վճուուեն գաղտնի քուէարկութեամբ:

43. Հոգաբարձական խորհուրդն ամենայն տարի ըստ տնտեսականի և ուսումնականի մանրամասն հաշիւ է ներկայացնում Վեհափառ Կաթողիկոսին՝ առաջնորդի միջոցով, հոգաբարձական խորհրդի բոլոր անդամների ստորագրութեամբ:

44. Հոգաբարձուների բացակայութիւնը խորհրդի նիստերից պէտք է յիշատակուի դպրանոցի տարեկան տեղեկագրի մէջ:

45. Կանոնադրութեամբ չնախատեսանուած որեւէ ինդիք վճռելիս, եթէ տարաձայնութիւն է ծագում մանկավարժական ժողովի և վերատեսչի կամ վերատեսչի և հոգաբարձութեան մէջ, խնդիրը ներկայացւում է Վեհափառ Կաթողիկոսին ի տնօրէնութիւն:

Գ. ԳԼՈՒԽ

ՎԵՐԱՏԵՍՈՒՉ.

46. Դպրանոցի ուսումնական մասը վարում են վերատեսուչը, տեսուչը և մանկավարժական ժողովը:

47. Վերատեսչի պաշտօնի համար ընտրվում է բարձրագույն կրթութեամբ մի անձն Ռուսաստանի կամ արտասահմանի համալսարանաւարտ:

48. Նորընտիր վերատեսուչը պէտք է ունենայ առնուազն երեք տարուայ մանկավարժական փորձառութիւն:

49. Վերատեսուչը կարող է ունենալ մինչև վեց դաս:

50. Վերատեսչի անմիջական իրաւասութեան ենթարկւում են՝ տեսուչը, ուսուցիչները, վերակացուները, զրադարանապետը և դպրոցական միւս բոլոր պաշտօնեաները:

51. Վերատեսուչը պէտք է հսկէ դպրոցական ամեն տեսակ բարեկարգութեան, աշակերտների բարոյական և ֆիզիքական դաստիարակութեան վրայ: Նա պէտք է դպրանոցի համար սահմանուած կարգերը պահպանի, պէտք է պահանջի ուսուցիչներէից, վերակացուներից և առհասարակ բոլոր ծառայողներից իրենց պարտականութիւնների անթերի կատարումը՝ համաձայն սոյն հրահանգի և հաստատուած ծրագրի:

52. Վերատեսուչը կարող է մինչև մի շաբա-

թով արձակուրդ տալ դպրանոցի ուսուցիչներին և այլ պաշտօնեաներին:

53. Վերատեսուչը հոգաբարձութեանը տալիս է կիսամեայ և միամեայ տեղեկագիր աշակերտների յառաջադիմութեան և վարքի մասին:

54. Վերատեսուչը արձակուրդ է ստանում հոգաբարձութիւնից, իսկ արտակարգ անյետաձգելի դէպքում հոգաբարձութեան նախագահից:

55. Վերատեսուչը նախագահում է մանկավարժական ժողովներին:

56. Վերատեսուչը պարտաւոր է լինել դպրանոցում դասերի սկզբից մինչև վերջը:

57. Վերատեսուչը պարտաւոր է մասնակցել նաև հոգաբարձական ժողովներին:

58. Վերատեսուչը պէտք է յաճախ այցելի ուսուցիչներին դասերին և հարկաւոր դէպքում կարևոր դիտողութիւններ անի ուսուցիչներին առանձին կամ մանկավարժական ժողովում:

Ծանօթ. Միայն վերատեսուչը կարող է ուսուցիչների դասերին ներկայ լինելով դիտողութիւններ անել:

59. Դպրանոցի վերատեսուչն երբ պաշտօն է ստանձնում, ցուցակներով ստանում է դպրանոցի ինվենտարը և պաշտօնը թողնելիս նոյն կարգով յանձնում է հոգաբարձութեան:

Ծանօթ. Նոյն կերպ են վարւում և միւս բոլոր պաշտօնեաները:

60. Մանկավարժական ժողովների օրակարգը կազմում է վերատեսուչը, ի նկատի ունենալով նաև ուսուցիչների առաջարկությունները և յայտարարում է նիստից մի օր առաջ:

61. Վերատեսուչ չլինելու դեպքում հոգաբարձությունն ընտրում է վերատեսչի պաշտոնակատար մի տարով:

Դ. ԳԼՈՒԽ

ՏԵՍՈՒՉ.

62. Տեսուչն ընտրվում է հոգաբարձությունից, վերատեսչի առաջարկությամբ, որը նախապես հարցնում է մանկավարժական ժողովի կարծիքն առաջարկելի թեկնածուի կամ թեկնածուների մասին (տես. յօդ. 28).

Մանօթ. Տեսուչը պիտի լինի համալսարանաւարտ կամ ճեմարանաւարտ:

63. Տեսուչը վերատեսչի գործակիցն է դպրանոցի ներքին բարեկարգութեան բոլոր մասերում, մասնաւոր աշակերտների դաստիարակութեան գործում:

64. Տեսուչը կարող է շաբաթական մինչև 12 դաս ունենալ:

65. Տեսուչը պէտք է հսկէ աշակերտների կանոնաւոր դասերի յաճախման վրայ, իմանայ նրանց բացակայելու պատճառները, աչալուրջ հսկէ նրանց վարք ու բարքի, մաքրութեան և առողջութեան վրայ:

66. Տեսուչը պէտք է ուշադիր լինի, որ ճիշտ պահուի դպրանոցի ժամակարգը, որ ուսուցիչները ժամանակին գնան դասարան և պարապմունքները կանոնաւոր ընթանան:

67. Տեսուչը պէտք է հոգայ, որ դպրոցական իրերի պակասութիւն չլինի:

68. Տեսուչն իրաւունք ունի դպրանոցի պաշտօնեաներին յիշեցնելու իրենց պարտականութիւնները, երբ վերջիններս զանցառու կլինեն:

69. Տեսուչը բոլոր հնարաւոր միջոցները գործադրելուց յետոյ, անուղղայ կամ ծանր յանցանք գործած աշակերտների մասին տեղեկացնում է վերատեսչին:

70. Վերատեսչի ժամանակաւոր բացակայութեան դեպքում նրա պաշտօնը կատարում է տեսուչը. իսկ երբ վերատեսուչը բոլորովին թողնում է իւր պաշտօնը, տեսուչը կատարում է նոյն պաշտօնը՝ բոլոր իրաւունքներով և պարտականութիւններով, մինչև վերատեսչի կամ պաշտօնակատարի ընտրուելը և ստանում է վերատեսչական ռոճիկ:

71. Տեսչի բացակայութեան ժամանակ նրա պաշտօնը վարում է ուսուցիչներից մէկը՝ վերատեսչի առաջարկութեամբ և հոգաբարձութեան համաձայնութեամբ:



Ե. ԳԼՈՒԽ

ՎԵՐԱԿԱՅՈՒ.

72. Վերակացուների պարտականութիւնն է հսկել զպրանոցում աշակերտների կարգապահութեան և վարք ու բարքի վրայ՝ համաձայն վերատեսչից ստացած հրահանգների:

73. Նայած տեղական հանգամանքներին, վերակացուների թիւը որոշում է հոգաբարձութիւնը, լսելով նաև վերատեսչի պատճառաբանուած առաջարկը:

74. Վերակացուն պէտք է ունենայ առնուազն միջնակարգ կրթութիւն:

75. Վերակացուները կարող են ունենալ մինչև վեց դաս:

76. Դաս չունեցող վերակացուները մանկավարժական խորհրդին մասնակցում են խորհրդակցական ձայնով, իսկ աշակերտների վարք ու բարքի մասին՝ մասնակցում են ձայնի իրաւունքով:

Զ. ԳԼՈՒԽ

ԽԱՌՆ ԺՈՂՈՎ.

77. Խառն ժողովը կազմւում է Թեմակալ Առաջնորդի նախագահութեամբ և մասնակցութեամբ զըպրանոցի վերատեսչի, հոգաբարձական խորհրդի բոլոր

անդամների և մանկավարժական ժողովի 12 ներկայացուցիչների, որոնք ընտրւում են ուսումնական տարուայ սկզբին:

78. Խառն ժողովներ հրաւիրւում են հոգաբարձական և մանկավարժական խորհուրդների առաջարկութեամբ:

79. Խառն ժողովի իրաւասութեան են վերաբերում վերջնական վճիռ կայացնել մանկավարժական խորհրդի այն որոշումների վերաբերմամբ, որոնցով անուղղայ վարքի պատճառով արձակուելու են աշակերտներ:

Է. ԳԼՈՒԽ

ՈՒՍՈՒՑԻՉՆԵՐ.

80. Թեմական զպրանոցներում ուսուցիչ լինել կարող են Ռուսաստանի և Արտասահմանի բարձրագոյն զպրոցներ և Գէորգեան Ճեմարանի լսարանական բաժին աւատողները:

Մանօթ. Ա. Եթէ Թեմական զպրանոցն ունենայ չորսամեայ եկ.-ծխական զպրոցի բաժանմունքներ, այդ բաժանմունքներում դաս աւանդել կարող են նաև միջնակարգ զպրոց աւարտածներ՝ հնգամեայ մանկավարժական փորձառութեամբ:

Բ. Ըստ հնարաւորութեան պէտք է դասերը բաժանել համաձայն մասնագիտութեան:

Գ. Այն անձինք, որոնք Ճեմարանի լսարանական բաժնի կամ բարձրագոյն զպրոցի ցենդ

չունեն, սակայն առնուազը տասը տարի թեմական դպրանոցներում եղել են ուսուցիչ, կարող են դասաւանդել թեմական դպրանոցներում:

Դ. Զայնագրութեան, նկարչութեան, մարմնամարզութեան և ձեռարուեստի դասատուները պէտք է ունենան մասնագիտական դպրոցների վկայական:

Ե. Թեմական դպրանոցի չորսամեայ ծխական դպրոցի բաժանմունքներում կարող են դասաւանդել նաև վարժուհիներ:

81. Ուսուցիչը կարող է դասից բացակայել միւսիսն յարգելի պատճառներով, որի մասին ժամանակին գրաւոր կերպով իմաց պիտի տայ դպրանոցի վարչութեան:

82. Ուսուցիչը պարտաւոր է դասաւանդել ըստ հաստատուած ծրագրի: Եթէ նա որևէ պատճառով չէ կարող ծրագիրն անցնել ամբողջապէս, պարտաւոր է ժամանակին տեղեկացնել վերատեսչին:

83. Եթէ վերատեսուչը չէ գործադրում մանկավարժական ժողովի վճիռները կամ մանկավարժական ժողովի իրաւասութեան ենթարկուող հարցերն ըստ կանոնադրութեան, ուսուցիչները կարող են բողոքել հոգաբարձութեան:

84. Դպրանոցների ուսուցիչները տասը տարի նոյն դպրանոցում ծառայելուց յետոյ կարող են մի տարուայ արձակուրդ ստանալ առանց ոռճկի, բացակայութեան տարին ծառայութիւն հաշուելով և նպաստ ստանալով դպրանոցից ըստ հայեցողութեան հոգաբարձական խորհրդի:

85. Թեմական դպրանոցների բոլոր պաշտօնեաները հիւանդութեան դէպքում երկու ամիս ստանում են իրանց ոռճիկը լիովին, այնուհետև մինչև ուսման տարուայ վերջը ստանում են ոռճկի կէսը: Հիւանդ պաշտօնեաներին փոխարինող պաշտօնակիցներն երկու ամիս ձրի են ծառայում, այնուհետև ստանում են ոռճիկ ըստ փոխադարձ համաձայնութեան վարչութեան հետ:

86. Ուսուցիչները ստանում են յաւելումներ՝ առաջին հնգամեակից յետոյ հինգ տարուայ միջին ոռճկի 5⁰/₀-ը, իսկ երկրորդ հնգամեակից յետոյ 10⁰/₀ իւրաքանչիւր հնգամեակին, նոյն հաստատութեան մէջ ծառայելով:

87. Գրաւոր աշխատանքների համար ուսուցիչները ստանում են առանձին վարձատրութիւն ըստ քանակի և որակի:

Ծանօթ. Վարձատրւում են Հայոց լեզուի (գրաբար և աշխարհաբար), Ռուսաց լեզուի, գերմաներէնի, թուաբանութեան, հանրահաշուի և երկրաչափութեան գրաւորները:

Ը. ԳԼՈՒԽ

ՄԱՆԿԱՎԱՐԺԱԿԱՆ ԽՈՐՀՈՒՐԴ.

88. Մանկավարժական ժողովը կազմւում է վերատեսչի հրաւերով և նախագահութեամբ, տեսչից և ուսուցիչներից:

Ծանօթ. Կարևոր դէպքում դպրանոցի բժիշկը հրաւիրւում է մանկավարժական խորհրդին ձայնի իրաւունքով:

89. Մանկավարժական խորհրդի նիստերը տեղի պիտի ունենան առնուազն երկու շաբաթը մի անգամ:

Ծանօթ. Ա. Կարևոր դէպքերում հրաւիրւում է արտակարգ ժողով:

Բ. Արտակարգ մանկավարժական ժողովները հրաւիրւում են վերատեսչի կամ ուսուցիչների մի երրորդ մասի ցանկութեամբ:

90. Ժողովը բացւում է, երբ ներկայ են մանկավարժական ժողովի անդամների $\frac{1}{2}$ -ից աւելին:

91. Մանկավարժական ժողովին մասնակցել չկարողացող ուսուցիչներն ամեն անգամ նախապէս պարտաւոր են այդ մասին ծանուցանել նախագահին: Բացակայել կարելի է հիւանդութեան կամ ուրիշ յարգելի պատճառներով: Բացակայ անդամներն իրաւունք չունին պահանջել փոփոխելու մանկավարժական ժողովի արած որոշումները:

Ծանօթ. Մանկավարժական ժողովի անդամների բացակայութիւնը նիստերից պէտք է յիշատակուի տարեկան տեղեկագրի մէջ:

92. Մանկավարժական ժողովի զբաղմունքներն են.

Ա. Դասադրքերի ընտրութիւնը.

Բ. Յանձնաժողովների ընտրութիւն մանակավարժական զանազան խնդիրներ քննութեան առնելու համար:

Գ. Ստուգումների ժամանակի և եղանակի որոշումը:

Դ. Աշակերտների ընդունելութիւնը, դասարանից դասարան փոխադրելը, վերաքննութիւն նշանակելը կամ միևնոյն դասարանում պահելը:

Ե. Աշակերտների յառաջադիմութեան ցուցակների քննութիւնը:

Զ. Երեկոյթներ, էքսկուրսիաներ, դպրոցական հանդէսներ կազմակերպելը:

Է. Մատենադարանի գրքերի, պարբերական հրատարակութիւնների և ուսումնական պիտոյքների ընտրութիւնը:

Ը. Աշակերտական ընթերցանութեան գրքերի ընտրութիւնն ըստ դասարանների:

Թ. Ընտրութիւն դասարանական դաստիարակների, որոնց պարտականութիւնը որոշուում է առանձին հրահանգով մանկավարժական խորհրդի կողմից:

Ժ. Ընտրութիւն մանկավարժական խորհրդի քարտուղարի:

93. Մանկավարժական ժողովները վճիռներ են առնում նիստին ներկայ գտնող անդամների ձայների կիսից աւելիով: Ձայների հաւասար լինելու դէպքում գերակշռութիւն է տալիս նախագահի ձայնը:

Ծանօթ. Անդամներից մէկի ցանկութեամբ քուէարկութիւնը պէտք է գաղտնի լինի:

Թ. ԳԼՈՒԽ

ԱՅՆ ՊԵՏՏՕՆԵԱՆԵՐ.

94. Դպրանոցի միւս պաշտօնեաներն են. բժիշկ,

մատենադարանապետ, վերատեսչի քարտուղար, որոնց հաստատում է հոգաբարձութիւնը՝ առաջարկութեամբ վերատեսչի, ապա գործավար, գանձապահ, հաշուապահ և տնտեսական կառավարիչ, որոնց ընտրում և հաստատում է հոգաբարձական խորհուրդը:

95. Մատենադարանապետի պարտաւորութիւններն են. բարեկարգ վիճակի մէջ պահել մատենադարանը, գրքերի և ուրիշ իրերի կանոնաւոր ցուցակներ պահել, Մանկավարժական ժողովի կողմից մատենադարանի կառավարութեան և պահպանութեան համար մշակուած առանձին հրահանգի համաձայն գրքեր բաժանել ուսուցիչներին և աշակերտներին:

96. Մատենադարանապետն ամեն տարի հաշիւ է տալիս վերատեսչին:

97. Ֆիզիքական կաբինետի պահպանութիւնը և բարեկարգութիւնը յանձնւում է ֆիզիկայի ուսուցչին:

98. Բժշկի պարտաւորութիւնն է՝ պայմանով որոշուած օրերին և ժամանակին գալ դպրանոց և հոգ տանել, որ դպրանոցում առողջապահական բոլոր պայմանները պահպանուած լինեն:

99. Վերատեսչի, տեսչի, դաստիարակի կամ վերակացուի հրաւիրմամբ բժիշկը պարտաւոր է երթալ դպրանոց և անակնկալ հիւանդութեան դէպքում օգնութիւն հասցնել:

100. Համաձայն կապած պայմանի բժիշկը պարտաւոր է հիւանդ պաշտօնեաներին, աշակերտներին և ծառայողներին ձրի օգնութիւն հասցնել տներում:

101. Բժիշկն իւր պաշտօնին վերաբերող բոլոր գիտողութիւնները պարտաւոր է զեկուցանել վերատեսչին:

102. Գործավարը կազմում է հոգաբարձական խորհրդի արձանագրութիւնները և հսկում է Դպրանոցի դիւանական գործերի վրայ: Վերատեսչի քարտուղարն ունի նոյն պարտաւորութիւնները վերատեսչի դիւանի վերաբերմամբ:

103. Գործավարը պարտաւոր է կատարել հոգաբարձութեան տնտեսական գրութիւնները, պահել հաշուեմատեան և առհասարակ հոգաբարձութեան խորհրդարանի ամեն տեսակ գործերը:

Ծանօթ. Դպրանոցը կարող է յատուկ հաշուապահ ևս ունենալ:

104. Տնտեսական կառավարիչը կատարում է իւր պարտականութիւնները համաձայն հոգաբարձութեան մշակած հրահանգի:

Ժ. ԳԼՈՒԽ

ԱՇԽԱՏԱՆԻ ՄԱՍԻՆ.

105. Թեմական Դպրանոց ընդունուել կարող են հայ մանուկներն ամեն դասակարգի և վիճակի, առանց հսկատակութեան խտրութեան:

106. Աշակերտներին ընդունելութիւնը լինում է դպրանոցական տարուայ սկզբին և յունվարին:

<< Ազգային գրադարան



NL0228912

51. 630

ԳԻՆՆ Է 10 ԿՈՊ.